

Broj: 13/04-02-3-669-1/24

Sarajevo, 16.05.2024. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilijeno:	17-05-2024		
Org. jed.	Broj	Priloga	Vrijednost
05h	02-	2M	24

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI/PREDSTAVNIČKI DOM
Tajnik/Sekretar

n/p Ivan Miličević, tajnik/sekretar

PREDMET: Odgovor na zastupničko pitanje, dostavlja se

Poštovani,

Federalna uprava za inspekcijske poslove – Federalni inspektorat rada je aktom broj: 01-04-13-02585/2024-0903-3 od 07.05.2024. godine Poreznoj upravi Federacije BiH na nadležno postupanje proslijedio Vaš akt broj: 05/1-02-211/24 od 23.04.2024. godine kao i akt Vlade Federacije BiH – Sekretar broj: 03-04-838-26/2024 od 26.04.2024. godine kojim se dostavlja zastupničko pitanje koje je postavila zastupnica Begajeta Čaušević na nastavku 10. redovite sjednice Zastupničkog doma Parlamenta Federacije BiH održane 22.04.2024. godine.

Shodno prednjem, iz segmenta nadležnosti Porezne uprave Federacije BiH, u prilogu akta dostavljamo odgovor na postavljeno zastupničko pitanje.

S poštovanjem,

Prilog: Odgovor na zastupničko pitanje

Dostaviti:

1. Naslovu
2. Vladi Federacije BiH
3. U spis
4. a/a



DIREKTOR

Mr.sci. Šerif Isović

Broj: 13/04-02-3-669-1/24
Sarajevo, 16.05.2024. godine

N/r gđa. Begajeta Čaušević, zastupnica

PREDMET: Odgovor na zastupničko pitanje gđa. Begajeta Čaušević – zastupnica u
Zastupničkom domu Parlamenta Federacije Bosne i Hercegovine

Poštovana,

Porezna uprava Federacije BiH – Središnji ured Sarajevo zaprimila je dana 13.05.2024. godine akt Federalne uprave za inspekcijske poslove – Federalni inspektorat rada broj: 01-04-13-02585/2024-0903-3 od 07.05.2024. godine kojim se Poreznoj upravi Federacije BiH na nadležno postupanje prosljeđuje akt Zastupničkog doma Parlamenta Federacije BiH - Sekretar broj: 05/1-02-211/24 od 23.04.2024. godine kao i akt Vlade Federacije BiH – Sekretar broj: 03-04-838-26/2024 od 26.04.2024. godine kojim se od Vlade Federacije BiH i Federalne uprave za inspekcijske poslove traži dostavljanje odgovora na Vaše sljedeće zastupničko pitanje:

1. „Kojem broju uposlenih u rudnicima koji pripadaju koncernu JP Elektroprivrede BiH kao i RMU Banovići d.d. Banovići nisu isplaćena sredstva po osnovu doprinosa zaključno sa 31.03.2024. godine?
2. Kada građani zaposleni u rudnicima mogu očekivati uplate po osnovu doprinosa, obzirom da je značajnom broju istih blokiran proces ostvarivanja prava na penzije?
3. Da li su Uprava za inspekcijske poslove i Ured za zakonodavstvo pri Vladi FBiH upoznati sa navedenim dešavanjima i koje mjere planiraju poduzeti s obzirom da se direktno krši Zakon o doprinosima FBiH?
4. Šta predstavnici Vlade FBiH i Federalnog ministarstva energetike, rudarstva i industrije planiraju poduzeti kako bi riješili navedeni problem?“

U vezi traženog, iz segmenta nadležnosti Porezne uprave Federacije BiH, dostavljamo sljedeći odgovor:

Prije svega želimo ukazati na broj zaposlenih u rudnicima koji pripadaju Koncernu JP Elektroprivreda BiH i za RMU Banovići d.d. Banovići na dan 14.05.2024. godine po rudnicima:

R.br	Naziv poreznog obveznika	Općina	Broj zaposlenih na dan 14.05.2024. g.
1	Rudnik uglja "Kreka" d.o.o.- Tuzla	TUZLA	1.713
2	Rudnik mrkog uglja "ĐURĐEVİK" d.o.o.- Đurđevik	ŽIVINICE	591
3	Rudnik mrkog uglja "Breza" d.o.o.- Breza	BREZA	847
4	Rudnik mrkog uglja "Kakanj" d.o.o.-Kakanj	KAKANJ	1.136
5	Rudnik mrkog uglja "Zenica" d.o.o.-Zenica	ZENICA	606
6	Rudnik uglja"Gračanica" d.o.o. Gornji Vakuf-Uskoplje	GORNJI VAKUF-USKOPLJE	147
7	Rudnik mrkog uglja "ABID LOLIĆ" d.o.o. Travnik-Bila	TRAVNIK	285
8	Rudnici mrkog uglja Banovići d.d. Banovići	BANOVIĆI	2.534
UKUPNO			7.859

Ističemo da Porezna uprave Federacije BiH vodi evidenciju o mjesečnim obrascima MIP-1023 - Mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne djelatnosti, plaćenim doprinosima i akontaciji poreza na dohodak, koje dostavljaju poslodavci po isplati plaće i uplati doprinosa za obavezno osiguranje za sve radnike. Primljene obrasce Porezna uprava Federacije BiH kontrolira, te nakon ispravno uplaćenih doprinosa za obavezno osiguranje za sve radnike na obrascu iste dostavlja nadležnim fondovima kako bi uposlenici mogli da ostvare prava iz penzionog, zdravstvenog i osiguranja od nezaposlenosti.

Evidenciju o uplaćenim doprinosima za obavezno osiguranje po radnicima Porezna uprava Federacije BiH vodi od 01.01.2011. godine shodno Zakonu o Jedinostvenom sistemu registracije, kontrole i naplate doprinosa („Službene novine Federacije BiH“, broj: 2/09, 109/12, 86/15, 30/16 i 96/21), dok je za period prije 01.01.2011. godine nadležan Federalni zavod za PIO/MIO.

Shodno navedenom tabelarnom pregledu i uvidom u bazu Porezne uprave Federacije BiH vidljivo je da je Rudnik uglja "Gračanica" d.o.o. Gornji Vakuf-Uskoplje po dostavljenim obrascima MIP-1023 izmirio doprinose za obavezno osiguranje radnicima za period od januara 2011. godine do marta 2024. godine i obrasci su dostavljeni nadležnim vanbudžetskim korisnicima.

Takođe i Rudnici mrkog uglja Banovići d.d. Banovići su dostavili obrasce MIP-1023 i uplatili doprinose za radnike od januara 2011. godine do avgusta 2023. godine i za februar 2024. godine i isti su dostavljeni nadležnim vanbudžetskim korisnicima.

Što se tiče ostalih poreznih obveznika iz tabelarnog prikaza koji upošljavaju 5178 zaposlenika isti u bazi Porezne uprave Federacije BiH imaju evidentiran dug po osnovu javnih prihoda, te između ostalog i doprinosa za penzijsko i invalidsko osiguranje.

Ukoliko je radnik stekao pravo na odlazak u penziju propisana mogućnost da za takve radnike poslodavac prije nego uplati obavezne doprinose za sve radnike izvrši uplatu za tog radnika i dostavi obrazac PMIP-1024 - Pojedinačni mjesečni izvještaj o isplaćenim plaćama, obračunatim i uplaćenim doprinosima i porezu na dohodak od nesamostalne djelatnosti shodno članu 32. Pravilnika o primjeni Zakona o porezu na dohodak („Službene novine Federacije BiH“, broj: 48/21, 77/21, 20/22, 57/22, 05/23, 85/23 i 97/23).

Napominjemo, svi uposlenici mogu u poreznim ispostavama svog prebivališta provjeriti da li i za koji period su im uplaćeni doprinosi te dobiti Uvjerenje o uplaćenim doprinosima (obrazac JS 3650). Takođe uposlenici mogu i putem interneta na web stranici Porezne uprave Federacije BiH uz uputstvo koristiti aplikaciju E-doprinosi i provjeriti da li su im uplaćeni doprinosi.

Prema podacima Sektora za prinudnu naplatu ukupan dug šest rudnika uglja u sastavu Koncerna JP Elektroprivreda BiH u prinudnoj naplati (RMU „Zenica“, „Rudnici Kreka“, RMU „Breza“, RMU „Kakanj“ i RMU „Abid Lolić“ - za sve dužne javne prihode iz nadležnosti Porezne uprave Federacije BiH) na dan 30.04.2024. godine iznosi 569.877.043,37 KM („Rudnik Gračanica“ u sastavu Koncerna JP Elektroprivreda BiH nema poreznih obveza u prinudnoj naplati). Od navedenog iznosa ukupan dug tih poreznih obveznika (u sastavu Koncerna JP Elektroprivreda BiH) u prinudnoj naplati po osnovu neplaćenih doprinosa na taj dan je iznosio 487.168.990,08 KM.

Ukupan dug u prinudnoj naplati RMU „Banovići“ (koji nije u sastavu Koncerna JP Elektroprivreda BiH), na dan 30.04.2024. godine je bio 21.045.414,97 KM, od čega 19.136.693,48 KM predstavlja dugovanja po osnovu neplaćenih obveza za doprinose PIO/MIO, zdravstveno osiguranje i od neuposlenosti.

Ukupna dugovanja svih sedam rudnika navedenih u tabeli na dan 30.04.2024. godine iznosila su 590.922.458,34 KM duga po osnovu dužnih javnih prihoda u prinudnoj naplati i konstantno se povećavaju, a od navedenog iznosa ukupan dug po osnovu neplaćenih doprinosa za PIO/MIO, zdravstveno osiguranje i osiguranje od neuposlenosti iznosio je 506.305.683,56 KM.

**KRETANJE DUGOVANJA RUDNIKA UGLJA EVIDENTIRANIH U POSTUPCIMA PRINUDNE NAPLATE POREZNE UPRAVE FEDERACIJE BiH U
RAZDOBLJU 2016-2024**

R/B	NAZIV RUDNIKA	STANJA DUGA U PN NA DAN 31.12.2016.	STANJE DUGA U PN NA DAN 31.12.2019.	STANJE DUGA U PN NA DAN 31.12.2020.	STANJE DUGA U PN NA DAN 31.12.2021.	STANJE DUGA U PN NA DAN 31.12.2022.	STANJE DUGA U PN NA DAN 31.12.2023.	STANJE DUGA U PN NA DAN 30.04.2024.	VEĆE/MANJE OBVEZE U PN	DUG U PN PO OSNOVU DOPRINOSA*
1	2	3	4	5	6	7	8	9	10 (9-3)	11
1	RMU "ZENICA" DOO	99.691.361,32	139.716.779,74	152.964.980,95	155.462.537,82	153.724.359,72	144.828.414,48	138.048.165,09	38.356.803,77	120.187.176,50
2	"RUDNICI "KREKA" DOO	115.768.446,12	130.943.526,92	127.618.562,59	124.178.346,19	153.852.795,23	155.787.048,23	158.661.680,61	42.893.234,49	123.273.526,66
3	RMU "BREZA" DOO	58.537.738,23	80.064.469,43	100.932.069,18	113.071.420,13	113.895.877,50	120.374.109,65	120.591.024,26	62.053.286,03	107.907.978,15
4	RMU "KAKANJ" DOO	72.153.990,39	69.125.776,98	75.798.175,85	82.976.648,39	81.573.661,15	94.579.473,92	104.352.549,85	32.198.559,46	92.814.012,94
5	RMU "ABID LOLIĆ" DOO	21.031.253,11	37.903.423,38	39.098.546,97	37.970.861,95	43.655.113,46	47.222.550,48	46.066.581,04	25.035.327,93	41.455.294,80
6	RMU "ĐURĐEVİK" DOO	4.318.767,01	3.556.788,59	3.323.638,70	2.991.630,59	2.564.862,08	2.297.412,92	2.157.042,52	- 2.161.724,49	1.531.001,03
7	"RUDNIK GRAČANICA" DOO	0,00	0,00	0,00	0,00	0,00	0,00	0,00	0,00	0,00
8	RMU "BANOVIĆ" DD	4.614.742,83	14.351.274,35	10.566.774,23	8.542.983,73	7.035.038,29	5.652.754,97	21.045.414,97	16.430.672,14	19.136.693,48
U K U P N O		376.116.299,01	475.662.039,39	510.302.748,47	525.194.428,80	556.301.707,43	570.741.764,65	590.922.458,34	214.806.159,33	506.305.683,56

*U koloni 11 prikazan je zbir neplaćenih dugovanja rudnika po osnovu doprinosa za PIO/MIO, doprinosa za zdravstveno osiguranje, doprinosa za osiguranje od nezaposlenosti i dodatnih doprinosa za PIO/MIO evidentiranih u postupcima prinudne naplate sa stanjem na dan 30.04.2024. godine za koje su pokrenuti postupci prinudne naplate, a uključuju obveze po osnovu:

712112 - Doprinosa za PIO/MIO

712111 - Doprinosa za zdravstveno osiguranje

712113 - Doprinosa za osiguranje od nezaposlenosti

712114 – Dodatnih doprinosa za PIO/MIO

Potrebno je napomenuti da u tabelarnom pregledu nisu prikazane tekuće obveze rudnika koje su trenutno u poreznim ispostavama i za koje još nije pokrenut postupak prinudne naplate javnih prihoda, a kao primjer navodimo Nalog za plaćanje poreznih obveza poreznog obveznika RMU „Abid Lolić“ d.o.o. Travnik - Bila u iznosu od 2.875.159,77 KM koji se odnosi na dužne obveze za porezni period od 01.08.2023. do 29.02.2024. godine, a za koje obveze još nije pokrenut postupak prinudne naplate.

Ovdje je potrebno takođe napomenuti da su Vlade Federacije BiH od 2016. godine u kontinuitetu (sa kraćim prekidima važenja) donosile Zaključke kojim zadužuju Poreznu upravu Federacije BiH da obustavi sve aktivnosti naplate javnih prihoda prema dužnicima RMU, a zadnjim takvim Zaključkom V. broj: 2040/2023 od 29.12.2023. godine zadužena je Porezna uprava Federacije BiH da do 31.12.2024. godine obustavi sve aktivnosti naplate javnih prihoda prema dužnicima iz Koncerna JP Elektroprivreda BiH d.d. Sarajevo s tim da je ovaj put Zaključak proširen i na RMU „Banovići“ d.d. - koji nije u sastavu Koncerna EP BiH, a čiji je evidentirani dug na dan 31.12.2023. godine u postupcima prinudne naplate iznosio 5.652.754,97 KM, a tijekom četiri mjeseca tekuće godine utvrđene dužne porezne obveze u ukupnom iznosu od 14.777.182,78 KM iz Naloga za plaćanje, a koje se odnose na period od 01.09.2023. do 12.03.2024. godine.

Shodno prethodno navedenom, ukupan dug RMU Banovići u prinudnoj naplati se tijekom četiri mjeseca od dana donošenja Zaključka Vlade Federacije BiH V. broj: 2040/2023 od 29.12.2023. godine (odnosno otkad je Zaključak proširen i na tog poreznog obveznika) je povećan za 15.392.660,00 KM u odnosu na stanje dugovanja prije donošenja tog Zaključka (31.12.2023. godine).

Od donošenja prvog Zaključka Vlade Federacije BiH iz 2026. godine do 30.04.2024. godine dugovanja pet rudnika iz sastava Koncerna JP Elektroprivreda BiH i Rudnik mrkog uglja su se ukupno povećala za 200.537.211,68 KM, a samo je RMU „Đurđevik“ u navedenom razdoblju smanjio dug za 2.161.724,49 KM.

Uključujući i povećanje duga RMU „Banovići“ d.d. u 2024. godini, ukupna dugovanja sedam rudnika uglja tijekom važenja Zaključaka Vlade Federacije ukupno su povećana u postupcima prinudne naplate za 216.967.883,82 KM u odnosu na njihovo stanje dugovanja na dan 31.12.2016. godine.

S obzirom da Porezna uprava Federacije BiH ne raspolaže sa finansijskim podacima poslodavca – rudnika, shodno tome nije u mogućnosti dati informaciju kada zaposlenici mogu očekivati uplate po osnovu doprinosa.

S poštovanjem,

Dostaviti:

- 1. Naslovu**
- 2. Vladi Federacije BiH**
- 3. U spis**
- 4. a/a**



DIREKTOR

Mr. sci. Serif Isović